



UNTL

Universidade Nacional Timor Lorosa'e

AVIZU

LOKE KONKURSU PÚBLIKU BA UNIVERSIDADE NACIONAL TIMOR-LOROSA'E - U N T L

(Prosesu Selesaun nakloke ba Sidadaun Timoroan hotu)

Komisaun Funksaun Públika, tuir Dekretu lei Nú. 34/2008 depoizde alterasaun ba Dekretu lei Nú. 22/2011 iha loron, 27 Agostu, artigu 5^o – 7^o hateten katak konkursu públiku no konkursu internu hotu-hotu sentraliza iha sekretariadu Komisaun Funksaun Públika atu hala'o prosesu rekrutamentu hanesan konkursu públiku no internu tuir Dekretu Lei haruka. Dekretu-Lei Nú 16/2010 iha loron, 10 Outubru kona-ba Estatutu UNTL, Lei Nú 2 /2018 de 24 de Janeiru Alterasaun daruak hosi Dekretu Lei Nú. 7/2012, 15 Feveiru (Estatutu Kareira Dosente Universitária)

Vaga Dosente Permanente ba Departamentu Formasaun Profesór Edukasaun Pre-Eskolár, Faculdade de Educação, Artes e Humanidade No. Ref. CPI/121/2022	
Toál vaga: Rua (2)	
Kategoria : Asistente Juniór D2	Grau Akadémiku : Mínimu Lisensiatura ho
Saláriu Mensál/ kada fulan: \$. 525.00	Esperiénsia hanorin komprovadu
Estadu Funsional: Permanente	
Tipu Konkursu: Konkursu Públiku	Metode Selesaun Dokumentus ho karater eliminatóriu: Prova Koñesimentu no Entrevista Profisional
Reporta/Hatán ba: Reitor Universidade Nacional Timor Lorosa'e	

A. Deskrisaun Konteúdu funksional husi postu servisu:

1. Prepara Matéria ba aula bazeandu ba kurríkulu no *syllabus* ne'ebé iha;
2. Prepara materiál ba prátika;
3. Fó orientasaun ba estudante sira kona-ba planu estudu nian;
4. Prepara oráriu ka planu ba kada semana, indika materiál atu hanorin ho ninia prátika;
5. Koordena ho Diretór/a Departamentu kona-ba aktividade semanál nian;
6. Prepara matadalan estudu nian (*Study Guide*);
7. Hanorin uza lian Portugés no Tetun;
8. Hanorin tuir planu no oráriu ne'ebé prepara tiha ona;
9. Prepara materiál no fó ezame ba estudante sira;
10. Fó sai rezultadu ezame ba estudante sira;
11. Halo relatóriu ezame no hato'o ba Diretór/a Departamentu;



UNTL

Universidade Nacional Timor Lorosa'e

12. Halo avaliaun ba estudante sira;
13. Fó Orientasaun Monografia;
14. Halo peskiza (sei aplika wainhira atu prodús estudante lisensiatura);
15. Hakerek livru (sei aplika wainhira atu prodús estudante lisensiatura);
16. Prepara semináriu no *workshop*;

B. Rekizitu sira Selesaun nian:

1. Rekizitu obrigatóriu sira:

- a. Tenke Sidadaun Timor-Leste nian;
- b. Idade másimu 55;
- c. Nunka sai kondenadu iha krime dolozu ne'ebé korresponde ba prizaun efetiva tinan rua ba leten, ka prátika hahalok ne'ebé bele konsideradu no manifesta inkompatibilidade ho ezersísiu husi funsaun sira iha administrasaun públika;
- d. Nunka demitidu husi Instituisaun Estadu nian ruma;
- e. Prontu atu halo viajen ka kolokadu iha kualkér parte iha territóriu nasionál no iha rai-liur;
- f. Goza saúde di'ak, fíziku no mentalmente di'ak hodi bele halo funsaun sira-ne'ebé konkorre bá daudaun (Atestadu médiru komprova liuhusi Laboratóriu Nasionál-Ospital Nasionál Guido Valadares).

2. Rekizitu sira ba abilitasaun akadémika:

Mínimu Lisensiatura ho esperiénsia hanorin komprovalu iha área Formasaun Profesór Edukasaun Pre-Eskolar no área sira-ne'ebé relasionadu ho vaga ne'e nia eziyéncia, ne'ebé hetan husi Universidade sira-ne'ebé akreditadu loloos ona hodi lesiona matéria ka dixiplina balun ne'ebé mosu iha lista a) to'o c) iha kraik:

- a) *Koñesimentu iha área Pré-eskolar ba Saúde Infantil no Psiko-Pedagogia;*
- b) *Edukasaun Inkluziva ba labarik iha área arte no kultura;*
- c) *Direitu ba labarik no Pedagogia ba labarik;*

3. Rekezitu obrigatoriu, abilitasaun no esperiénsia espesifika ba pozisaun ne'e:

- a. Iha esperiénsia hanorin ka investigasaun, mínimu servisu tinan-tolu iha área Formasaun Profesór Edukasaun Pre-Eskolár komprovalu ho dokumentu relevante;
- b. Tenke iha domíniu ba lian ofisiál (verbál no eskrita) no preferivel domíniu iha lian Inglés, Indonézia ka lian estranjeru sira seluk komprovalu ho dokumentu relevante;
- c. Notas tenke di'ak (bon) iha dixiplina ne'ebé atu hanorin bá;
- d. Rekezitu adisionál Komprovativu:
 - Esperiénsia Peskiza;
 - Publikasaun Sientífika (Nasionál no/ka Internasionál);
 - Servisu Komunitária;
- e. Koñesimentu informátika iha nivel utente nian



UNTL

Universidade Nacional Timor Lorosa'e

C. Apresentasaun Kandidatura:

Rekerimentu Inskrisaun ba konkursu tenke akompañadu ho:

1. Karta rekerimentu aplikantes sira-nian sei derije ba Prezidente Juri;
2. *Curriculum Vitae (CV)* atualizadu no inklui mós referénsia mínimu ema na'in-rua asina;
3. Fotokópia Diploma Mestradu (S2), Doutoramentu no Lisensiatura (S1, esperiénsia hanorin komprovalu), Diploma sira tenke legalizadu husi MESCC tahan-1 (legalizadu orijinal);
4. Transkrisaun Akadémika Mestradu (S2), Doutoramentu no Lisensiatura (S1) tenke Legalizadu husi MESCC tahan-1 (legalizadu orijinal);
 - a) Área Ezata mínimu Bon ba Mestradu, Doutoramentu no Lisensiatura (S1, ho esperiénsia hanorin komprovalu);
5. Fotokópia Eleitorál ka BI tahan-1 (ida);
6. Fotokópia Sertidaun RDTL tahan-1 (ida);
7. Kópia Kartaun Vasina COVID-19 dala 2;
8. Sertifikadu Bon Komportamentu Husi Ministériu Justisa ne'ebé sei válidu;
9. Atestadu Médiku husi HNGV;
10. Kópia Sertifikadu formasaun no treinamentu iha área relevante karik iha;
11. Fotografia Koloridu 3x4 tahan-2 (rua);

D. Dokumentu hirak temi iha leten, submete diretamente ba Diresaun Nasionál Rekursu Umanu-UNTL, iha oras serbisu nian, hahú loron, **05 fulan-Setembru 2022 to'o loron, 23 fulan-Setembru 2022**

E. Kitéria Avaliasaun Kandidatura:

1. Avaliasaun Kandidatura bazeia ba:
 - Méritu kandidatu;
 - Formasaun Akademika;
 - Perfil kurrikulár;
 - Esperiência hanorin no investigasaun científica iha área relevante;
2. Avaliasaun kurrikulár sei kompleta tan ho teste eskrita no orál;

F. Materia Prova Eskrita nian:

Tópiku sira tuirmai ne'e sei ezije bainhira hala'o ezame eskritu:

1. Konstituisaun RDTL;
2. Estatutu Funsau Públika (Lei número 8/2008 no Lei número 5/2009);
3. Dekretu-Lei Nú 16/2010 iha loron, 10 Outubru kona-ba Estatutu UNTL;
4. Lei Nú 2 /2018 de 24 de Janeiru Alterasaun daruak hosi Dekretu Lei Nú. 7/2012, 15 Feveiru (Estatutu Karreira Dosente Universitária);



UNTL

Universidade Nacional Timor Lorosa'e

5. Lei Nú. 3 /2014 de 15 de Janeiru Alterasaun dahuluk hosi Dekretu Lei Nú. 7/2012, 15 Feveiriu (Estatutu Karreira Dosente Universitária);
6. Programa Governu nian;
7. Matéria kona-ba Pedagogia UNTL nian;
8. Sistema no prosesu Edukasaun iha Timor-Leste nian;
9. Dixiplina espesífiku;

G. Teste Orál

Ezame orál sei bazeia ba:

1. Uzu ekipamentu sira hodi apoiu ensinu;
2. Kompeténsia pedagójika (métodu hanorin);
3. Konesimentu téknika sientífika iha área ne'ebé sei hanorin bá;
4. Kapasidade espresaun no komunikasaun orál liuhusi apresentasaun *power point* kona-ba matéria ne'ebé nia sei lesiona;

H. Sistema Klasifikasaun Finál

Klasifikasaun finál rezulta husi média aritmética simples ba klasifikasaun sira ne'ebé hetan liu-husi métodu selesaun hotu-hotu, iha eskala ida husi pontu 0 (zero) to'o 100 (atus ida), hodi konsidera aprovaun ba kandidatu sira-ne'ebé hetan klasifikasaun hanesan ka bootliu pontu 60. Kandidatu ida-ne'ebé hetan número bootliu iha pontu no prienxe kondisaun oioin ne'ebé fó sai iha avizu konkursu públiku ida-ne'e mak sei nomeadu no simu pose ba vaga ne'e.

I. Afiksasaun Rezultadu

Lista ho naran kandidatu sira-ne'ebé admitidu ba faze ida-idak iha konkursu ne'e, nune'e mós lista klasifikasaun finál sei taka iha kuadru avizu UNTL, MESCC no Komisaun Funsau Públika nian.


Próf. Doutor Afonso de Almeida
Prezidente Jurí